

MAGKINABUHI DIHA SA UG UBAN SA DIOSNONG TRINIDAD

Mensahe 3

Magkinabuhi diha sa Diosnong Trinidad

(2)

Magkinabuhi diha sa Diosnong Trinidad sa Pagpahimulos Nato ni Cristo nga Atong Sangkap sa Kinabuhi, sa Pagkinabuhi Nato ni Cristo aron Mapadako Siya, ug pinaagi sa Grasya ni Ginoong Jesucristo nga Naa sa Atong Espiritu

Basahong Kasulatan: Juan 20:22; 6:57, 63; Isa. 12:3-6; Fil. 1:19-21a; Gal. 6:17-18; Bug. 22:21

I. Magkinabuhi ta diha sa Diosnong Trinidad sa pagpahimulos nato ni Cristo nga atong sangkap sa kinabuhi:

- A. Giginhawa sa Ginoo ang Iyang Kaugalingon ingon nga Espiritu Santo (ang Balaang Gininhawa) ngadto sa Iyang mga tinun-an sa adlaw sa Iyang pagkabanhaw (Juan 20:22); mapadayonon natong madawat karon ang pneumaticong Cristo nga gininhawa sa Dios aron madato Siya alang nato sa pagtawag nato sa Iyang ngalan (Lam. 3:55-56; Gen. 4:26; Rom. 10:12-13; *Mga Alawiton*, #255); mahanggap sab nato ang Kasulatan, ang pulong sa Dios, nga pagginhawa pagawas sa Dios (2 Tim. 3:16); kay pagkalawas man sa Espiritu sa kinabuhi ang mga pulong nga gipamulong Niya, dawaton ngani nato ang mga pulong Niya sa paggamit nato sa atong espiritu, maato ang Espiritu, nga kinabuhi (Juan 6:57, 63).
- B. Tuyo sa Dios sa Iyang pamatigayon nga mahimo Siyang tuboran, tinubdan, sa buhing mga tubig nga motagbaw sa Iyang piniling katawhan aron makapahimulos sila, sa tumong nga mapalugwa ang iglesia nga pagtubo sa Dios, pagdako sa Dios, nga makahupnganan sa Dios aron mapadayag Siya—Jer. 2:13; Lam. 3:22-24; 1 Cor. 1:9:
 1. Ang pag-inom nato sa usa ka Espiritu diha sa pagkabanhaw maghimo natong mga bahin sa Lawas, magtukod nato nga Lawas, ug mag-andam nato nga mahimong pangasaw-onon ni Cristo—12:13; Bug. 22:17; Juan 4:14b.
 2. Malipayon tang makatimba og tubig gikan sa mga tubod sa kaluwasan sa pagpamulong ug pag-awit nato ngadto sa Ginoo, pinaagi sa Ginoo, alang sa Ginoo, diha sa Ginoo, ug uban sa Ginoo aron ituboy ang Ginoo ug mapadayonong magkalipay diha sa Ginoo—Sal. 46:4; Isa. 12:3-6.
 3. Makapahimulos ta sa Ginoo nga espirituhanong ilimnon nato sa pagbatasan nato nga kanunayng makigsultianay Niya; unya makakinabuhi ta ni Cristo diha-dayon—Num. 20:8; Fil. 4:6-7, 12.
- C. Makaon nato si Cristo nga espirituhanong kalan-on nato aron mabuhi ta tungod Niya (Juan 6:57); ang pagkaon kang Cristo pagkaon man sa Iyang mga pulong sa paggamit nato sa atong espiritu sa pag-ampo-basa ug pagpamalandong sa Iyang mga pulong aron mahimo kining pagmaya ug kalipay sa atong kasingkasing (Jer. 15:16; Sal. 119:15-16; Jos. 1:8-9); ang mabuhi dili lang pinaagi [ni Cristo] kondili “tungod” sab ni Cristo nagpasabot nga ang nagpalagsik nga elemento ni Cristo nahimong nagsangkap nga elemento aron makakinabuhi ta Niya.

II. Magkinabuhi ta diha sa Diosnong Trinidad sa pagkinabuhi nato ni Cristo aron mapadako Siya pinaagi sa madagayaong sangkap sa Espiritu ni Jesucristo—Fil. 1:19-21a:

- A. Gikinabuhi sa mga magtutuo si Cristo pinaagi sa madagayaong sangkap sa Es-

piritu ni Jesucristo; ang Espiritu ni Jesucristo mao si Cristo nga Espiritung nagpaambit-og-kinabuhi—v. 19; 1 Cor. 15:45b; 2 Cor. 3:6:

1. Naglakip kining madagayaong sangkap sa pagkadios, pagka-tawo, pagkalan-sang sa krus, pagkabanhaw, pagkayab, diosnong mga kaayo, ug tawhanong maayong kagawian.
 2. Pinaagi gyod unta sa madagayaong sangkap sa Espiritu ni Jesucristo ang tanan natong buhaton ug ang tibuok natong pagkinabuhi—Fil. 1:19.
 3. Diha sa diosnong pagpaambit sa Diosnong Trinidad, diha-dayong madawat nato ang sangkap ni Cristo sa sulod ug magkinabuhi ta nga magpadayag ni Cristo—vv. 20-21a.
- B. Ang tibuok kinabuhi ug buhat ni Pablo wala gyod magpadayag sa iyang kaugalingon o magpasundayag ba sa iyang kahibalo, kahimoan, o sa uban pa niyang katakos ug mga kaayo; ang iyang pagkamao ug gibuhay alang gyod sa pagpadayag ni Cristo, sa pagpadako man ngani Niya—v. 20; 3:3-10; 2 Cor. 4:5.
- C. Sa pag-antos ni apostol Pablo diha sa iyang lawas, gipadako si Cristo; sa ato pa, gipakita o gipahayag Siya nga dako kaayo (walay kinutoban), tinuboy, ug dinayeg pag-ayo—Fil. 1:20:
1. Ang mga pag-antos sa apostol nakahatag niyang higayon nga makapadayag ni Cristo sa walay kinutobang pagkadako Niya—Buh. 9:16; 2 Cor. 6:4; 11:23; Col. 1:24.
 2. Ang pagpadako kang Cristo sa bisan unsang sirkumstansya pagsinati man Kaniya nga dunay kinalabwan gyong pagpahimulos—Fil. 1:18; 4:23.
 3. Sa gibilanggo si Pablo sa bilanggoan sa Roma, gipadako niya si Cristo, gipadako Siya sa panan-aw sa mga nagdakop niya; bisan unsa pa ang mga sirkumstansya, natugob sa kalipay si Pablo ug nagkalipay siya diha sa Ginoo—1:4, 18, 25; 2:2, 17-18, 28-29; 3:1; 4:1, 4.
 4. Ang pagsidlak ug pagpadayag ni Pablo ni Cristo sa iyang kalipay pagpahayag man sa walay kinutobang pagkadako ni Cristo ug pagpahayag nga dili Siya mahurot—Efe. 3:8, 18; itandi sa Isa. 9:6.
- D. Ang pagkinabuhi nato ni Cristo aron mapadako Siya pag-ambit man nato sa kaluwasan ni Cristo diha sa kinabuhi, nga niini maluwas ta sa pagkapakyas nato sa pagkinabuhi kang Cristo ug sa pagkapildi nato sa wala nato pagpadako Kaniya—Rom. 5:10.
- E. Isip sumbanan sa mga magtutuo, nagkinabuhi si Pablo diha sa pagkalabaw ni Cristo, sa kinabuhing hingpit nga halangdon, nga dunay kinahabogang suk-danan sa tawhanong maayong kagawian nga nagpadayag sa labing maayong diosnong mga kaayo, sa kinabuhing sama sa gikinabuhi sa Ginoo mismo dinhi sa yuta daghang tuig kanhi—1 Tim. 1:16; Buh. 27:21-26; 28:3-6, 8-10.

III. Magkinabuhi ta sa Diosnong Trinidad pinaagi sa grasya ni Ginoong Jesucristo nga naa sa atong espiritu—Gal. 6:18:

- A. Adlaw-adlaw naa gyod untay kahibulongan nga diosnong pagpalatay nga nagpadayon; madagayaong gisangkap sa Dios ang Espiritu sa grasya, ug sige gyod natong dawaton ang Espiritu sa grasya aron mahimo Siyang bahing nag-umol nato, ug mahimo tang pagpadayag Niya—Heb. 10:29b; Juan 1:16; Gal. 3:2-5; 2 Cor. 1:12; 12:9:
1. Ang paagi aron madawat ug mapahimuslan nato ang grasya pagbalik man sa atong espiritu, paggamit sa atong espiritu, ug pagpalingkod sa Ginoo sa trono:
 - a. Moduol ngani ta sa trono sa grasya sa pagbalik nato sa atong espiritu, palingkoron gyod nato sa trono ang Ginoo, ihatag Kaniya ang pagkaulo,

- pagkahari, ug pagkaginoos sa sulod nato—Heb. 4:16; Rom. 5:17, 21; Col. 1:18b; Bug. 2:4.
- b. Ang trono sa Dios maoy tinubdan sa nag-agay nga grasya; dili ngani nato palingkoron sa trono ang Ginoos, kun palagpoton Siya sa trono, mohunong ang agay sa grasya—22:1.
 - c. Kon palingkoron nato sa trono sa sulod nato si Ginoong Jesus, moagay ang Espiritu nga suba sa tubig sa kinabuhi gikan sa trono sa grasya aron mosangkap nato; sa ingon niini madawat ug mapahimuslan nato ang grasya—v. 1; *Mga Alawiton*, #770.
2. Sa maanaa nato ang mga timaan ni Jesus, mapahimuslan nato ang grasya ni Cristo—Gal. 6:17-18:
 - a. Sa espirituhanong bahin, nagtimaan ang mga timaan ni Jesus sa mga ilhanan sa kinabuhing gikinabuhi ni Pablo, sa kinabuhing sama sa gikinabuhi ni Ginoong Jesus dinhi sa yuta; kanunayng gilansang sa krus kanang kinabuhia (Juan 12:24), nagbuhat sa kabubut-on sa Dios (6:38), wala magtinguha sa kaugalingon niining himaya kondili sa himaya sa Dios (7:18), ug mapasakopon ug masinugtanon sa Dios, bisan hangtod sa kamatayon sa krus (Fil. 2:8).
 - b. Kon naa nato ang mga timaan ni Jesus ug magkinabuhi ta sa kinabuhing linansang sa krus, mapahimuslan nato ang grasya ni Cristo nga sangkap sa Espiritung taghatag-og-kinabuhi nga naa sa atong espiritu aron ikapangalagad nato si Cristo nga grasya sa Dios ngadto sa panimalay sa Dios—3:10; 2 Cor. 4:10-11; Efe. 3:2.
 - B. Ang grasya ni Ginoong Jesus nga gipaambit ngadto sa mga magtutuo Niya sa tibuok panahon sa Bag-ong Tugon mahingpit sa Bag-ong Jerusalem nga kahingpitan sa gikahimut-an sa Dios sa pag-usa, pagsagol, ug pagtagik Niya sa Iyang Kaugalingon sa tawo aron mahimayaon Siyang mapadako ug mapadayag—Bug. 22:21; Efe. 2:10.